

Timersortartut nuna sinnerlugu unammisartut sungiusaqatigiittarnissaminut periarfissagissaarnerulernissaat misissoqqullug Naalakkersuisut peqquneqarnissaannik Inatsisartutaalajangiiffisassaattut siunnersuut. Misissuineri annermik angallannermut akit qaffaseqisutunamminarsinnaaneri immikkut isiginiaqquneqarput. Naalakkersuisut Timersoqatigiit Kattuffiannut, specialforbundinut kiisalu allanut soqutigisaqatigiinnut susassaqartunut attaveqaqquneqarputsuunertaralugu misissuineri UPA2020-mit Inatsisartunut agguanneqartussamut, peqataatitsinissaq. (Inatsisartunut ilaasorta, Nivi Olsen, Demokraatit)

Akissuteqaat

(Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq)

Siullermeerneqarnera

Inatsisartunut ilaasortap Nivi Olsenip, Demokraatineersup, Inatsisartut aalajangiiffisassaattut siunnersuuteqarneranut Naalakkersuisut qujapput.

Naalakkersuisut nuannaarutigaa, Inatsisartuni timersorneq timigissartarnerlu sammineqarluarnerat isumaqarattami, inuiaqatigiit timikkut anersaakkullu peqqissuussasut. Tamannalu angussagaanni suliasaqarfimmi sammisap qitiutinneqarnissaa pisariaqarpoq. Nalinginnaasumik timersornerup kiisalu pikkorivissortut timersornerata ataavartumik ineriartortinneqarnissaat Naalakkersuisut anguniagaraat. Isumaqqanngilagulli suliaq Naalakkersuisut aqussagaat. Naalakkersuisulli tusarnaartussaapput, tamakkuninnga suliaqartunut, tassa timersornermi kattuffinnut, taakkualu pisariaqartitaat naapertorlugit sinaakkusiissalluta.

Kattuffik Elite Sport Greenland imminut pigisoq tassaavoq Kalaallit Nunaanni nuna tamakkerlugu timersortartut pikkorivissortut siuarsarnissaannut ineriartortinnissaannullu kattuffik. Suliniaqatigiiffiup Kalaallit Nunaanni Timersoqatigiit Kattuffiat aamma tassani kattuffiit ataasiakkaat suleqatigalugit anguniakkani siuarsassavai, tamatumani ilaatigut timersullammaat soqutigisaannik nunanilu tamalaani peqataasarnissaasa isumagineqarnissaat siunertaralugu Kalaallit Nunaanni kattuffiit immikkut ittut aqqissuussaannikkut ineriartortissavai.

Kalaallit Nunaanni Timersoqatigiiffiit Kattuffiat aamma Elite Sport Greenland tamarmik immikkut suliasaqarfimmini periusissiaqarput. Kalaallit Nunaanni Timersoqatigiiffiit Kattuffiata qanittukkut periusissiani naggasertussaavaa tullissaalu suliaralugu aallartereerlugu. Tamatuminnga ilaatigut suliaqarnermi Kalaallit Nunaanni Timersoqatigiiffiit Kattuffiat ukiamut timersorneq pillugu ataatsimeersuartitsisussaavoq. Ilinniartitaanermut, Kultureqarnermut Ilageeqarnermullu Naalakkersuisoqarfik ilisimatinneqarpoq, politikerit ataatsimeersuarnermut peqataatinneqassasut. Kaammattuutigaarput ataatsimeersuarnermut

peqataanissaq, tassami tamatta nalinginnaasumik pikkorivissorlutillu timersortartut atugarisaat ataatsimoorullugu siuarsaaffigisinnaagatsigu.

Periarfissaalereerpoq illuatungeriinni Kalaallit Nunaanni Timersoqatigiiffiit Kattuffiat illuatungaani lu angallannermut suliffissuit timersortartut atugarisaannik siuarsaaqatigiinnissamut isumaqatigiinniarsinnaanerat. Ilisimatinneqarpugut pikkorivissortunut iluaqutaasinnaasumik, tassani angallanneq eqqarsaatigalugu, isumaqatigiissusiornissaq siunertaralugu Kalaallit Nunaanni Timersoqatigiiffiit Kattuffiannit Air Greenland oqaloqatigineqartoq.

Taamaattumik Naalakkersuisut pisariaqarsorinngilaat, periarfissagissaarnerulernissamik misissuinissaq, taamatullu oqaaseqarlutik Naalakkersuisut siunnersuutip itigartinnissaa innersuussutigaa.